

## **KOMUNIKADU**

### **REUNIAUN PARSEIRUS DESENVOLVIMENTU TIMOR-LESTE- 2014 – PLANU ESTRATÉJIKU DESENVOLVIMENTU: OINSA JERE ATU HETAN RESULTADUS DIAK LIU**

*26 JULHU 2014*

Iha Reuniaun de Parseirus Desenvolvimento 2014 nian, ami representantes husi Governu Timor Leste no Parseirus Desenvolvimento, representantes husi Organizasoens Sociedade Sivil (OSS) no Sektor Privadu halo sorumutu atu diskuti progresu hodi implementa *Planu Estratéjiku Desenvolvimento 2011-2030* no konkorda konaba estrutura ida no prosesu atu alkansa resultadus iha futuru.

Ami hotu kontente atu halo sorumutu ida nee ho espirtu solidariedade no koperasaun atu haree fila fali ita nia desafius no resultadus alkansadus nomos atu asegura katak ita nian esforsus iha futuru sei alinha ho prioridades nasionais Timor Leste no nesesidades povu Timor nian.

Ami sinte honra atu hetan malu iha reuniaun ida nee husi ami nia amigus husi *Comunidade dos Paizes de Lingua Portuguesa* (CPLP), no paisas amigus iha rejiaun no agredese sira nia fraternidade no amizade. Ami sinte katak reuniaun ida nee bele desempenha papel ida hodi halo ligasaun entre membrus CPLP ho nasoens iha rejiaun Asia Pacifico.

Konsiderandu no baseia ba Paktu Desenvolvimento Dili 2011 no Akordu Foun ba Koperasaun iha Estadus Frájeis (New Deal for Engagement in Fragile States), Reuniaun Parseirus Desenvolvimento 2014 nian afirma no kompromete atu servisu ho Grupus Estratéjikus Sektorais no Matrix ba PED atu asegura implementasaun *Planu Estratéjiku Desenvolvimento 2011-2030*.

### **PLANU NASIONAL IDA, NEBEE NASAUN MAK LIDERA NO NASAUN MAK NA'IN- PLANU ESTRATÉJIKU DESENVOLVIMENTU 2011-2030**

Durante Reuniaun de Parseirus Desenvolvimento 2011 nian, *Planu Estratejiku Desenvolvimento 2011-2030* hetan lansamentu no estabelese enkuadramentu ida atu transforma Timor Leste husi nasaun ho rendimentu baixu ba nasaun ho rendimentu mediu-altu iha 2030, nebee ema Timor oan hotu sei iha oportunidade saudavel, edukado no siguru.

Partisipantes iha reuniaun nee komprometidu fila fali ba *Planu Estratejiku Desenvolvimento 2011-2030* nudar enkuadramentu importante tebes ba desenh u no implementasaun projektu ka programa no re-afirma alinhamentu ba sira nia servisu ho sira nia planus, estratéjias, asoens no alvus.

### **MEKANSIMU KORDENASAUN POLITIKA DESENVOLVIMENTU- RELATORIUS SEKTORES ESTRATÉJIKUS**

Iha Reuniaun Parseirus Desenvolvimento 2013 nian, ita konkorda ona katak Mekanismu Kordenasaun Politika Desenvolvimento sei fasilita implementasaun *Planu Estratejiku Desenvolvimento 2011-2030*. Mekanismu ida nee sei konsiste husi Faktor Estratéjiku haat (*Sektor*

*Ekonomiku, Sektor Sosial, Desenvolvimento Infrastrutura, no Governasaun no Fortalesimentu Institucional), nebee sei alinha diretamente ho pilar haat Planu Estratejiku Desenvolvimento 2011-2030.*

Governu Timor Leste no Parseirus Desenvolvimento,, OSS (CSOs) no Sektor Privadu komprometidu atu servisu através husi Mekanismu Kordenasaun ba Politika Desenvolvimento atu kondus planeamentu no implementasaun ba *Planu Estratéjiku Desenvolvimento 2011-2030* The

Partisipantes konkorda atu monitoriza kompromisu hirak nee no sei relata sira nia progresu nebee lao daudaun ho diak iha nivel setor no sub-setor hodi nune bele realiza ita hotu nia mihi. Ami halo kompromisu hirak nee ho integridade, no konfirma fila fali ami nia vontade atu servisu en-parseria molok ita atu tama iha faze foun ba desenvolvimento Timor Leste. Minisreriu lideransa sira sei kompromete hodi lidera ekontru Grupu Trabalho setor estratejiku nian ho apoiu husu parseiru desenvolvimento sira.

### **MATRIX BA PED**

Atu fasilita Mekanismu Kordenasaun ba Politika Desenvolvimento sai efektivu, Governu Timor Leste no parseirus desenvolvimento sevisu hamutuk iha 2013 no 2014 atu prepara Matrix PED hanesan instrumentu ida atu kondus ezekusaun no asegura politika implementasaun. Matrix PED halao tiha ona lansamentu iha *TLDPM* ida nee.

Matrix PED fornese estrutura ida no prosesu nebee, ita hotu konkorda, aloka knar no asegura responsabilidades hodi alkansa metas. Matrix PED estabelese hierarkia ida ba metas nebee agrupadu iha Sektore estratéjikus haat.

Ami hotu komprometidu atu servisu tuir Matrix PED hodi implementa *Planu Estratéjiku Desenvolvimento 2011-2030* no rekunese katak dokumentu nebee refere hanesan (*living document*). Ami *hotu* adopta no afirma metas Matrix PED nia no alinha ami nia planeamentu no orsamentasaun tuir matrix ida nee.

### **REVIZAUN MEDIU PRAZU BA PLANU ESTRATÉJIKU DESENVOLVIMENTU 2011-2030**

*Planu Estratéjiku Desenvolvimento 2011-2030* fornese enkuadramentu atu alkansa futuro ida prósperu ba Timor Leste no atu realiza mihi povu Timor. Hanesan konkorda ona katak nudar dokumentu enkuadramentu ida, planu nee presiza atu reeve fila fali atu avalia progresu, mudansa sirkumstansias no buat balu nebee bele mosu.

Konkorda ona mos katak Quinto Governo Constitucional de Timor Leste sei halo revizaun mediu prazu nee iha inisiu 2015, ba *Planu Estratejiku Desenvolvimento 2011-2030* atu asegura katak planu nee kontinua fornese enkuadramentu ba desenvolvimento nasional to'o 2030. Misaun ida sei estabelese atu ezekuta knar ida nee, no misaun nee sei kompostu husi instituisoens relevantes inklui Gabinete Primeiru Ministru, Ministériu Finansas, linhas ministeriais, parseirus desenvolvimento, OSS (CSOs) no Sektor Privadu. Resultadus husi revizaun ida nee sei apresenta iha Reuniaun *TLDPM* tuir mai, iha 2015.